

gentium adeptus est. Cum Libyæ ante pugnam ei dixissent, quo tempore Ammon ex regno eiec-tus est, incolis predictum fuisse, uenturum eius filium Dionysium, qui recuperato regno orbis imperium possideret, Deusq; haberetur: existimans uerum fore uaticinium, templo patri & urbe conditis, ut Deo illi honores impendit, quosdam instituens qui haberent diuinationis curam. Traditur Ammon galea in bellis usus, cuius insigne fuit arietis caput. Sunt qui ipsum asserant natura in utroq; tempore paruula habuisse cornua, propterea filium eius Dionysium eodem fuisse aspectu: posterisq; traditum, Deum hinc cornua gestasse. Aedificata urbe, sacrisq; institutis, Dionysio ferunt in primis cum de exercitu oraculum consulisset, responsum a patre traditum, quod propter eius in homines merita immortalis esset futurus. Qua re elatus animo, primo in Aegyptum exercitum duxit: eiq; prouincia Iouë Saturni Rheæq; filium constituit regem, adhuc ætate puerum, addito ei præfectio Olympo: a quo eruditus, & ad uirtutē institutus, Olympius est cognominatus. Perit Dionysium Aegyptijs offendisse uites plantare, uinum conficere, ac aliorum fructuum usum. Aucta eius uirtutis fama, nulli ei obistere bello ausi, sponte sibi parebant, laudibus ac sacrificijs ut Deum colentes. Hoc pacto orbem aiunt peragrassè, domesticis arboribus regiones reddentē excultas, beneficiaq; populis præbentem. Vnde honores perpetuò gratiamq; omnium assecutus est. His rebus, cum de cæteris dijs uariè homines sentiant, solam Dionysij immortalitatem fixam animo tenent. Nemo est enim neq; Græcus neque barbarus, qui illius beneficiorū gratiaq; fuerit expers. Nam eos quibus aut patria agrestis esset, aut à uinearum usu aliena, poculum ex hordeo conficere docuit paulo inferius uini suauitate. Ferunt eum ex Indis ad mare descendentem, Titanas omnes qui cum maximis copijs aduersus Ammonē in Cretam transfretarant, cepisse. Acri aduersus Ammonē moto bello, Iupiter ex Aegypto, Dionysiusq; ac Minerva, & alij quidam quos deos dicunt, in Cretam descendentes Ammoni subsidium tulere. Inito certamine superior Dionysius, omnibus Titanis interfecit, uictoria potitus est. Postmodum Ammonē Dionysioq; ex hominum uita ad immortalitatem translatis, Iupiter uniuerso imperauit orbi, sublati Titanis, nulloq; eius imperium turbare auso. Hæc primi Dionysij ex Ammonē Amaltheiaq; natū gesta Libyæ fuisse tradunt. Secundus ex Io Inachi & Iouë genitus, Aegypto imperauit, initiationesq; monstrauit. Tertius Iupiter ex Semele apud Græcos genuit, priorum uirtutis imitatorum. Nam et per omnē orbem exercitum circumduxit, & plura reliquit trophæa, statuasq; suarum expeditionum testes. Multa in super loca cultiora plantis arborū reddidit. Mulieres in militiam, uelut prior Amazones, duxit. Circa orgia & initiationes multum operæ impendit, tum uetera in melius redigens, tum quædam ipse adinueniens noua. Cum temporum uetustate priorum gesta inuentaq; multis ignota essent, solus hic eorum qui ante se fuerant uirtutem & gloriam tulit. Non autem solum hoc ei contigit, sed Herculi quoq;. Duo namque eodem nomine priores fuere. Superiorem Herculem in Aegypto natum ferunt, magna armis subacta orbis parte, in Libya columnam posuisse. Secundus Cretensis, uirtute armisq; nobilitatus, instituit Olympicum: & tamen ultimum paulo ante bellum Troianum ex Alcmena & Iouë ortum, magnam orbis partē peragrassè tradit, Eurysthei imperio parentē. Qui multis functus certaminū laboribus, columnā in Europa erexit. Nominis igitur & rerū gestarū similitudo, cum defunctus esset postremus, superiorū illi gesta ascripsit, tanq; unus tantū Hercules extitisset. Plures Dionysios fuisse, tum ex alijs conantur offendere, tum præcipue ex Titanum pugna: qua cõstat, Dionysium cõtra illos Iouë auxilio affuisse. Nō enim Titanas semel tempora tulere, neq; Cadmus Agenoris Olympijs dijs antiquior dicendus est. Hæc à Libyis de Dionysio tradita. Nos iuxta ordinē à nobis præscriptū, quartū descripsimus librum.

Diodo.